



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՎՃՌԱԲԵԿ ԴԱՏԱՐԱՆԻ ՔՐԵԱԿԱՆ ՊԱԼԱՏ

Ո Ր Ո Շ ՈՒ Մ

ՎԱՐՈՒՅԹԻ ԸՆԴԴԱՏՈՒԹՅԱՆ ՀԱՐՑԸ ԼՈՒԾԵԼՈՒ ՄԱՍԻՆ

29 հունվարի 2025 թվական

ք.Երևան

Հայաստանի Հանրապետության Վճռաբեկ դատարանի քրեական պալատը,

նախագահությամբ՝
մասնակցությամբ դատավորներ՝

Հ.ԱՍԱՏՐՅԱՆԻ
Ս.ԱՎԵՏԻՍՅԱՆԻ
Հ.ԳՐԻԳՈՐՅԱՆԻ
Լ.ԹԱԴԵՎՈՍՅԱՆԻ
Ա.ՊՈՂՈՍՅԱՆԻ

ուսումնասիրելով թիվ ԵԴՆ/1316/01/23 քրեական վարույթի տարածքային ընդդատության հարցը լուծելու համար Վճռաբեկ դատարանի քրեական պալատ ուղարկելու մասին Լոռու մարզի առաջին ատյանի ընդհանուր իրավասության դատարանի՝ 2025 թվականի հունվարի 13-ի որոշումը,

Պ Ա Ր Զ Ե Ց

Վարույթի դատավարական նախապատմությունը.

1. 2023 թվականի սեպտեմբերի 12-ին Երևան քաղաքի առաջին ատյանի ընդհանուր իրավասության քրեական դատարանում ստացվել է Գրիգոր Խաչատուրի Մուրադյանի վերաբերյալ՝ ՀՀ քրեական օրենսգրքի 44-255-րդ հոդվածի 2-րդ

մասի 2-րդ կետով, 17 դրվագ 255-րդ հոդվածի 2-րդ մասի 2-րդ կետով, 254-րդ հոդվածի 1-ին մասով, 255-րդ հոդվածի 1-ին մասով և 254-րդ հոդվածի 2-րդ մասի 2-րդ, 4-րդ կետերով թիվ 49174921 (ԵԴՆ/1316/01/23) քրեական վարույթը:

Երևան քաղաքի առաջին ատյանի ընդհանուր իրավասության քրեական դատարանը 2023 թվականի սեպտեմբերի 15-ին որոշում է կայացրել թիվ ԵԴՆ/1316/01/23 քրեական գործի վարույթն ստանձնելու և նախնական դատալսումներ նշանակելու մասին:

2. Երևան քաղաքի առաջին ատյանի ընդհանուր իրավասության քրեական դատարանը 2024 թվականի դեկտեմբերի 20-ին՝ նախնական դատալսումների ընթացքում, որոշում է կայացրել թիվ ԵԴՆ/1316/01/23 քրեական վարույթն ըստ ընդդատության Լոռու մարզի առաջին ատյանի ընդհանուր իրավասության դատարան փոխանցելու մասին:

3. Լոռու մարզի առաջին ատյանի ընդհանուր իրավասության դատարանը 2025 թվականի հունվարի 13-ին որոշում է կայացրել թիվ ԵԴՆ/1316/01/23 քրեական վարույթը Վճռաբեկ դատարանի քրեական պալատ ուղարկելու մասին՝ ընդդատության հարցը լուծելու համար:

4. Քրեական վարույթը Վճռաբեկ դատարանում ստացվել է 2025 թվականի հունվարի 23-ին:

Ընդդատության վերաբերյալ հարցը լուծելու համար Էական նշանակություն ունեցող փաստական հանգամանքները.

5. 2024 թվականի օգոստոսի 24-ի որոշմամբ Գրիգոր Խաչատուրի Մուրադյանի նկատմամբ ՀՀ քրեական օրենսգրքի 44-255-րդ հոդվածի 2-րդ մասի 2-րդ կետով, 17 դրվագ 255-րդ հոդվածի 2-րդ մասի 2-րդ կետով, 254-րդ հոդվածի 1-ին մասով, 255-րդ հոդվածի 1-ին մասով և 254-րդ հոդվածի 2-րդ մասի 2-րդ, 4-րդ կետերով հանրային քրեական հետապնդում է հարուցվել այն բանի համար, որ *«նա, խարդախությամբ՝ խաբեության եղանակով, ուրիշի գույքի խոշոր չափերով հափշտակություն կատարելու դիտավորությամբ համացանցի www.list.am կայքում ծանոթանալով Երևան քաղաքի բնակիչ Կարեն Նորիկի Մարգարյանին պարկանոց «Opel Astra մակնիշի 36 NA 207 հաշվառման համարանիշի ավտոմեքենան օրավարձով*

տրամադրելու վերաբերյալ հայտարարությանը, 2020 թվականի հուլիսի 7-ին Երևան քաղաքի Արշակունյաց պողոտայի 30-րդ շենքի բակային հատվածում հանդիպել է վերջինիս հետ և իրականում գոյություն չունեցող կեղծ տվյալներ հաղորդելով նրան այն մասին, որ Ջերմուկ քաղաքում աշխատում է որպես խմորեղենի առաքիչ, բանավոր պայմանավորվածություն է ձեռք բերել նրա հետ նշված ավտոմեքենան օրավարձով վերցնելու մասին: Վերցնելով նշված ավտոմեքենան՝ 2020 թվականի հուլիսի 8-ին այն վաճառել է Ջերմուկ քաղաքի բնակիչ Արսեն Վանիկի Հունանյանին՝ վերջինիս պատկանող «Range Rover» մակնիշի 34 ZQ 870 հաշվառման համարանիշի 1.100.000 ՀՀ դրամ արժեքով ավտոմեքենայի հետ փոխանակելու եղանակով, ինչի արդյունքում Կարեն Կորիկի Մարգարյանին պատճառվել է խոշոր չափի՝ 1.300.000 ՀՀ դրամի գույքային վնաս:

(...)

Բացի այդ, Գրիգոր Խաչատրյանի Մուրադյանը, համացանցի www.list.am կայքում ծանոթանալով Ջերմուկի բնակիչ Արսեն Վանիկի Հունանյանին պատկանող «Range Rover» մակնիշի 34 ZQ 870 հաշվառման համարանիշի ավտոմեքենայի վաճառքի վերաբերյալ հայտարարությանը, խարդախությամբ՝ խաբեության եղանակով, ուրիշի գույքի խոշոր չափերով հափշտակություն կատարելու դիրավորությամբ Կարեն Մարգարյանից օրավարձով վերցված «Opel Astra» մակնիշի 36 NA 207 հաշվառման համարանիշի ավտոմեքենան որպես միջոց օգտագործելով, 2020 թվականի հուլիսի 8-ին՝ ժամը 17:30-ի սահմաններում Ջերմուկ քաղաքի Զախափնյակ փողոցի 9-րդ շենքի բակում հանդիպել է Արսեն Հունանյանին և դիրավորությամբ իրականությունը խեղաթյուրելով՝ ներկայանալով «Opel Astra» մակնիշի 36 NA 207 հաշվառման համարանիշի ավտոմեքենայի սեփականատեր Կարեն Մարգարյան, առաջարկել է «Opel Astra» մակնիշի 36 NA 207 հաշվառման համարանիշի ավտոմեքենայի հետ փոխանակման եղանակով գնել Արսեն Հունանյանի «Range Rover մակնիշի 34 ZQ 870 հաշվառման համարանիշի ավտոմեքենան, ինչին վերջինս համաձայնել է: Արդյունքում, Գրիգոր Խաչատրյանի Մուրադյանը ավտոմեքենաները հաջորդ օրը հաշվառելու կեղծ խոստմամբ Արսեն Հունանյանին է փոխանցել «Opel Astra» մակնիշի 36 NA 207 հաշվառման համարանիշի ավտոմեքենան և դրա հաշվառման վկայագիրը և վերցնելով ավտոմեքենան՝ հեռացել է, ինչի արդյունքում

Արսեն Հունանյանին պատճառով է խոշոր չափի՝ 1.100.000 ՀՀ դրամի չափով գույքային վնաս:

(...)

Բացի այդ, Գրիգոր Խաչատրուրի Մուրադյանը, խարդախությանը՝ խաբեության եղանակով ուրիշի գույքի խոշոր չափերի հափշտակություն կատարելու դիրավորությամբ Արսեն Վանիկի Հունանյանին սեփականության իրավունքով պարկանող «Range Rover մակնիշի 34 ZQ 870 հաշվառման համարանիշի ավտոմեքենան որպես միջոց օգտագործելով, 2020 թվականի հուլիսի 11-ից 13-ն ընկած ժամանակահատվածում՝ քննությամբ չպարզված օրը, Երևան քաղաքի «Քանաքեռի ձոր» կոչվող տարածքում հանդիպելով Կուրայքի մարզի Առինջ գյուղի բնակիչ Արսեն Ռուբիկի Տոնոյանին, դիրավորությամբ իրականությունը խեղաթյուրելով, այն է՝ հիշյալ տրանսպորտային միջոցը ներկայացնելով որպես իր հարազատ եղբոր սեփականություն, Արսեն Ռուբիկի Տոնոյանի կողմից շահագործվող «Վազ 21099» մակնիշի 34 ZT 702 հաշվառման համարանիշի ավտոմեքենայի հետ փոխանակման եղանակով՝ մաս-մաս 1000 ԱՄՆ դոլար հավելավճար վճարելու պայմանով, պայմանավորվածություն է ձեռք բերել Արսեն Ռուբիկի Տոնոյանի հետ՝ Արսեն Վանիկի Հունանյանին սեփականության իրավունքով պարկանող՝ «Range Rover» մակնիշի 34 ZQ 870 հաշվառման համարանիշի ավտոմեքենան վերջինիս վաճառելու վերաբերյալ: Արսեն Ռուբիկի Տոնոյանը՝ Գրիգոր Խաչատրուրի Մուրադյանին է վճարել 50.000 ՀՀ դրամ գումար՝ «Range Rover» մակնիշի 34 ZQ 870 հաշվառման համարանիշի ավտոմեքենայի շարժիչի և համակարգչի հետ կապված խնդիրները վերացնելու և հաջորդ օրը ավտոմեքենաները փոխանակելու համար: Հետագայում՝ քննությամբ չպարզված օրը, Արսեն Ռուբիկի Տոնոյանը ու Գրիգոր Խաչատրուրի Մուրադյանը հանդիպել են միևնույն վայրում և Գրիգոր Մուրադյանը ավտոմեքենայի շարժիչի և համակարգչի հետ կապված խնդիրները վերացրած չլինելու պայմաններում սակարկել է՝ պայմանավորված 1000 ԱՄՆ դոլար գումարը իջեցնելով 500 ԱՄՆ դոլարի չափով, որից հետո Գրիգոր Խաչատրուրի Մուրադյանը, ավտոմեքենաները հետագայում հաշվառելու կեղծ խոսքով, Արսեն Ռուբիկի Տոնոյանին է հանձնել նշված ավտոմեքենան ու դրա՝ Արսեն Վանիկի Հունանյանի անվամբ սեփականության

իրավունքի վկայականը և վերցնելով «Վագ 21099» մակնիշի 34 ZT 702 հաշվառման համարանիշի ավտոմեքենան, հեռացել: 2020 թվականի հուլիսի 14-ին Գրիգոր Խաչատրուրի Մուրադյանը զանգահարել է Արսեն Ռուբիկի Տնտյանին և առաջարկել վճարել ևս 90.000 ՀՀ դրամ, իսկ պայմանավորված մնացած գումարը կրկին սակարկելով զրոյացրել է, ինչը կասկած է հարուցել Արսեն Ռուբիկի Տնտյանի մոտ: Այդ պարճառով վերջինս ահազանգել է ոստիկանության Ջերմուկի բաժին և տեղեկացել, որ իր ավտոմեքենայի հետ փոխանակված «Range Rover» մակնիշի 34 ZQ 870 հաշվառման համարանիշի ավտոմեքենան Գրիգոր Խաչատրուրի Մուրադյանը հափշտակել է Արսեն Հունանյանից: Այնուհետև, Արսեն Տնտյանը պայմանավորվածություն է ձեռք բերել Գրիգոր Մուրադյանի հետ հանդիպել Երևան քաղաքի «Արինջ մոլ» առևտրի կենտրոնի մոտ՝ պայմանավորված 90.000 ՀՀ դրամ գումարը փոխանցելու համար: Հանդիպելով այստեղ՝ մինչև ոստիկանության ծառայողների ժամանելը, Արսեն Տնտյանն առաջարկել է Գրիգոր Մուրադյանին սպասել՝ պարճառարանելով ընկերների կողմից նշված գումարը բերելու հանգամանքը, սակայն վերջինս, գումարային այլ հարցեր կարգավորելու կեղծ պարրվակով՝ կես ժամից վերադառնալու խոստմամբ, նշված վայրից նստել է քրեական գործով չպարզված «Օպել» մակնիշի տաքսի ավտոմեքենա և հեռացել՝ «Վագ 21099» մակնիշի 34 ZT 702 հաշվառման համարանիշի ավտոմեքենան թողնելով հանդիպման վայրում, որպիսի պայմաններում Գրիգոր Խաչատրուրի Մուրադյանն իր կամքից անկախ հանգամանքներում՝ չի կարողացել ավարտին հասցնել հանցանքը ու Արսեն Տնտյանից խարդախությամբ հափշտակել խոշոր չափերի՝ 800.000 ՀՀ դրամ արժողությամբ «Վագ 21099» մակնիշի 34 ZT 702 հաշվառման համարանիշի ավտոմեքենան:

(...)

Բացի այդ, Գրիգոր Խաչատրուրի Մուրադյանը խարդախությամբ՝ վարահոսությունը չարաշահելու եղանակով, ուրիշի գույքի խոշոր չափի հափշտակություն կատարելու դիտարկությամբ համացանցի www.list.am կայքում ծանոթանալով Դավիթ Մացակի Դավլաթյանին պարկանոց «Honda Step Wagon» մակնիշի, 35 RR 728 հ/հ ավտոմեքենայի վաճառքի վերաբերյալ հայտարարությանը, 2020 թվականի օգոստոսի 7-ին իր կողմից օգտագործվող 033-36-86-66

հեռախոսահամարով զանգահարել է Դավիթ Մացակի Դալլաքյանի 044-77-58-48 հեռախոսահամարին ու ցանկություն հայտնել գնել նշված ավտոմեքենան: Ձեռք բերված պայմանավորվածության համաձայն՝ նույն օրը՝ ժամը 14-ի սահմաններում, Գրիգոր Խաչատրուրի Մուրադյանը այցելելով Կուրայքի մարզի Հրազդան քաղաքում գրնվող Դավիթ Մացակի Դալլաքյանի տուն, պայմանավորվածություն է ձեռք բերել նրա հետ գնել նշված ավտոմեքենան 2.900.000 ՀՀ դրամին համարժեք 6000 ԱՄՆ դոլար գումարով փարածամկետ վճարման պայմանով, գումարի մի մասը՝ 3000 ԱՄՆ դոլարը, 2020 թվականի օգոստոսի 11-ին, իսկ մյուս մասը՝ նոտարական կարգով առովաճառք ձևակերպելուց հետո վճարելու պայմանով, սակայն չարաշահելով Դավիթ Մացակի Դալլաքյանի վարահությունը, այն է՝ ավտոմեքենայի գումարը ժամանակին վճարելու կեղծ խոստմամբ նրան մոլորության մեջ գցելով, չի վճարել այն և հափշտակել է հիշյալ ավտոմեքենան՝ Դավիթ Մացակի Դալլաքյանին պարձառելով խոշոր չափի՝ ընդհանուր 2.900.000 ՀՀ դրամի գույքային վնաս:

(...)

Բացի այդ՝ Գրիգոր Խաչատրուրի Մուրադյանը, խարդախությամբ՝ խաբեության եղանակով, ուրիշի գույքի խոշոր չափերով հափշտակություն կատարելու դիրավորությամբ համացանցի www.list.am կայքում ծանոթանալով Հրաչյա Հովհաննեսի Հակոբյանին պարկանող «Վագ 21214-126-20» մակնիշի, 36 PZ 263 հ/հ ավտոմեքենայի վաճառքի կամ փոխանակման վերաբերյալ հայտարարությանը, 2020 թվականի օգոստոսի 10-ին իր կողմից օգտագործվող 033-36-86-66 հեռախոսահամարով զանգահարել է Հրաչյա Հովհաննեսի Հակոբյանի 093-83-19-24 հեռախոսահամարին և դիրավորությամբ՝ իրականությունը խեղաթյուրելով ներկայացել որպես Դավիթ Մացակի Դալլաքյան՝ ցանկություն հայտնելով իր կողմից՝ 5000 ԱՄՆ դոլար գնահատվող «Honda Step Wagon» մակնիշի, 35 RR 728 հ/հ համարանիշի ավտոմեքենան փոխանակել Հրաչյա Հովհաննեսի Հակոբյանին պարկանող 480.000 ՀՀ դրամ արժողությամբ «Վագ 21214» մակնիշի, 36 PZ 263 հ/հ ավտոմեքենայի հետ՝ վերջինիս կողմից 1000 ԱՄՆ դոլարի չափով հավելավճար վճարելու պայմանով: Այնուհետև, ավտոմեքենան տեսնելու համար Գրիգոր Մուրադյանը Երևան քաղաքում հանդիպել է Հրաչյա Հակոբյանի որդուն՝ Արամ Հակոբյանին, ուսումնասիրել նրա մոտ գրնվող հիշյալ «Վագ 21214» մակնիշի, 36 PZ

263 հ/հ ավտոմեքենան ու այն «Honda Step Wagon» մակնիշի ավտոմեքենայի հետ փոխանակելու շուրջ համաձայնության գալու նպատակով գնացել Շիրակի մարզի Սարաբակ գյուղում գրնվող Հրաչյա Հակոբյանի տուն: Այնտեղ պարզվել է, որ վերջինս զինված ուժերում ծառայել է Հրաչյա Հակոբյանի կրտսեր որդու՝ Արթուր Հակոբյանի հետ ու իր կողմից այլ՝ Դավիթ անվամբ ներկայանալու հանգամանքը պարճատարանելով իբրև ՀՀ-ից դուրս գալու կապակցությամբ առաջացած խնդիրներով ու անվան փոփոխությամբ՝ Գրիգոր Մուրադյանը իրականում գոյություն չունեցող կեղծ փվյալներ հաղորդելով Հրաչյա Հակոբյանին վարահեցրել է, որ «Honda Step Wagon» մակնիշի ավտոմեքենան պատկանում է իրեն ու պայմանավորվել են, որ այն կփոխանակի Հրաչյա Հակոբյանի ավտոմեքենայի հետ վերջինիս կողմից 500 ԱՄՆ դոլար հավելավճար վճարելու պայմանով: Դրանից հետո նույն օրը՝ երեկոյան՝ գնալով Երևան-Աշտարակ մայրուղու Ագարակ գյուղին հարող հարված՝ փոխանակել են ավտոմեքենաները և Գրիգոր Խաչատրուրի Մուրադյանը՝ հաիշտակելով Հրաչյա Հովհաննեսի Հակոբյանի «Վագ 21214» մակնիշի, 36 PZ 263 հ/հ ավտոմեքենան, հեռացել է: Այս հաջորդ օրն այդ մեքենայի շարժիչը գործի գցելու հետ կապված անսարքության նորոգման համար Հրաչյա Հակոբյանից պահանջել ու նույն օրը Երևան քաղաքում նրա որդուց՝ Արամ Հակոբյանից սրացել է 40.000 ՀՀ դրամ, ինչի արդյունքում խաբեությանը հաիշտակել ավտոմեքենան ու գումարը՝ Հ.Հակոբյանին պարճատելով խոշոր չափի՝ ընդհանուր՝ 520.000 ՀՀ դրամի գույքային վնաս:

(...)

Բացի այդ, Գրիգոր Խաչատրուրի Մուրադյանը, 2020 թվականի հունվարի 29-ին 1 օր գիշերակացով ամրագրելով հյուրանոցային սենյակ Արմավիրի մարզի Մերձավան համայնքի Երևանյան խճուղի 26 հասցեում գրնվող «Զվարթնոց» հյուրանոցային համալիրում, գաղտնի հաիշտակել է հյուրանոցային սենյակում գրնվող գույքը, այն է 10.000 ՀՀ դրամ արժողության թվով 2 սրբիչ, 10.000 դրամ արժողության անկողնային պարագաներ և 150.000 ՀՀ դրամ արժողության հեռուստացույց, որոնք փեղափոխելով իր կողմից շահագործվող «Նիսան Մարչ» մակնիշի, 21 RV 021 հաշվառման համարանիշի ավտոմեքենա, աննկատ դուրս է բերել

հյուրանոցային համալիրի փարածքից «ԲԻՏԱՐՍ» ՍՊ ընկերությանը պատճառելով զգալի չափի՝ 170.000 ՀՀ դրամի գույքային վնաս:

(...)

Բացի այդ, Գրիգոր Խաչատրուրի Մուրադյանը, խարդախությամբ՝ խաբեության եղանակով ուրիշի գույքի զգալի չափերի հափշտակություն կատարելու դիրավորությամբ, 2020 թվականի հուլիսի 27-ին՝ Երևան քաղաքի Տիգրան Մեծի պողոտայում Խաչիկ Հովակիմյանին պատկանող «Օպել Վեկտրա» մակնիշի, 22 ՇՇ 808 հաշվառման համարանիշի ավտոմեքենան վերջինիս կողմից իր փրապեպեպանն ու օգտագործանը հանձնված լինելու պայմաններում Արագածունի մարզի Արտենի գյուղի Թումանյան փողոցի 16-րդ փան բնակիչ Դավիթ Դավթյանին իրականում գոյություն չունեցող կեղծ փվյալներ հաղորդելով այն մասին, որ նշված ավտոմեքենան սեփականության իրավունքով պատկանում է իրեն, հերազայում անվանափոխելու կեղծ պատրվակով, Դավիթ Դավթյանից խարդախությամբ՝ խաբեության եղանակով, հափշտակել է զգալի չափերի, ընդհանուր՝ 270.000 ՀՀ դրամ գումար և հեռացել:

(...)

Բացի այդ, Գրիգոր Խաչատրուրի Մուրադյանը, խարդախությամբ՝ վարախությունը չարաշահելու եղանակով, ուրիշի գույքի խոշոր չափերի հափշտակություն կատարելու դիրավորությամբ՝ 2020 թվականի նոյեմբերի 06-ին Երևան քաղաքի Նուբարաշեն 11-րդ փողոցի 1-ին շենքի բակում օրական 5.000 ՀՀ դրամ վճարման պայմանով վարելու կեղծ պատրվակով Արշակ Արամայիսի Սեմիրջյանից վերցրել է վերջինիս սեփականության իրավունքով պատկանող «Մերսեդես-Բենց C 180» մակնիշի 36 UR 076 հաշվառման համարանիշի ավտոմեքենան և մինչև 2020 թվականի նոյեմբերի 26-ը ձեռք բերված գումարային պարավորությունները պատշաճ կատարելու եղանակով Արշակ Արամայիսի Սեմիրջյանին դիրավորությամբ մոլորության մեջ գցելով, հափշտակել է նշված ավտոմեքենան՝ Արշակ Արամայիսի Սեմիրջյանին պատճառելով խոշոր չափերի՝ ընդհանուր 1.240.000 ՀՀ դրամի գույքային վնաս:

(...)

Բացի այդ, Գրիգոր Խաչատրուրի Մուրադյանը խարդախությամբ՝ խաբեության եղանակով, ուրիշի գույքի խոշոր չափերի հափշտակություն կատարելու դիտարկությամբ 2020 թվականի դեկտեմբերի 03-ին Շիրակի մարզի Բավրա համայնքում գտնվող իր փանը հանդիպելով Ասատուր Սամվելի Հարությունյանին և դիտարկությամբ իրականությունը խեղաթյուրելով ներկայանալով որպես «Մերսեդես-Բենց C 180» մակնիշի 34 UR 076 հաշվառման համարանիշի ավտոմեքենայի սեփականատեր Արշակ Սեմիրջյան, պայմանավորվածություն է ձեռք բերել վերջինիս հետ իրեն պատկանող «Opel Astra» մակնիշի 36 VT 694 հաշվառման համարանիշի ավտոմեքենայի հետ փոխանակման եղանակով 200.000 ՀՀ դրամի չափով հավելավճար վճարելու պայմանով վաճառել նշված ավտոմեքենան, ինչին վերջինս համաձայնել է: Նույն օրը վերցնելով 200.000 ՀՀ դրամ գումարը և «Opel Astra» մակնիշի 36 VT 694 հաշվառման համարանիշի ավտոմեքենան, հափշտակել է դրանք՝ Ասատուր Հարությունյանին պարճառելով խոշոր չափի, ընդհանուր՝ 950.000 ՀՀ դրամի գույքային վնաս:

(...)

Բացի այդ՝ Գրիգոր Խաչատրուրի Մուրադյանը, խարդախությամբ՝ վարահությունը չարաշահելու եղանակով, ուրիշի գույքի խոշոր չափերով՝ հափշտակություն կատարելու դիտարկությամբ համացանցի www.list.am կայքում ծանոթանալով Արթուր Հրանտի Միրզոյանին պատկանող «Օպել Զաֆիրա» մակնիշի 36 VZ 387 հ/հ և «Մերսեդես» մակնիշի 36 VX 792 հ/հ ավտոմեքենաները օրավարձով տրամադրելու վերաբերյալ հայտարարությանը, զանգահարել է նրան և ցանկություն հայտնել 6000 ՀՀ դրամ օրավարձով վարձակալել «Օպել Զաֆիրա» մակնիշի ավտոմեքենան: Բանավոր համաձայնության գալով Գրիգոր Խաչատրուրի Մուրադյանի հետ՝ Արթուր Հրանտի Միրզոյանը 2021 թվականի փետրվարի 2-ին Երևան քաղաքի Նազարբեկյան թաղամասի 4-րդ շենքի բակում Գրիգոր Մուրադյանին է հանձնել խոշոր չափի՝ 1.750.000 ՀՀ դրամ արժողությամբ «Օպել Զաֆիրա» մակնիշի 36 VZ 387 հ/հ ավտոմեքենան:

Գրիգոր Խաչատրուրի Մուրադյանը, 10 օր պայմանավորված վճարումները պարշաճ կատարելու եղանակով Արթուր Հրանտի Միրզոյանի վարահությունն ամրապնդելով և դրանով իսկ նրան դիտարկությամբ մոլորության մեջ գցելով,

կրկին հանդիպել է նրան և ցանկություն է հայտնել 5.000 ՀՀ դրամ օրավարձով վարձակալել նաև նրան պատկանող «Մերսեդես» մակնիշի ավտոմեքենան: Կրկին ունեցած բանավոր համաձայնության հիման վրա՝ Արթուր Միրզոյանն Երևան քաղաքի Նազարբեկյան թաղամասի 4-րդ շենքի բակում իր խոշոր չափի՝ 1.500.000 ՀՀ դրամ արժողությամբ «Մերսեդես» մակնիշի ավտոմեքենան հանձնել է Գրիգոր Մուրադյանին, ինչի արդյունքում Գրիգոր Խաչատրուրի Մուրադյանը խարդախությամբ հափշտակելով նշված ավտոմեքենաները՝ Արթուր Հրանտի Միրզոյանին՝ պատճառել է խոշոր չափի՝ ընդհանուր 3.250.000 ՀՀ դրամի գույքային վնաս:

(...)

Բացի այդ, Գրիգոր Խաչատրուրի Մուրադյանը, գույքի պաշտպանության համար նախատեսված այլ միջոցի շրջանցմամբ գաղտնի հափշտակություն կատարելու դիրավորությամբ, օգտվելով Գեղարքունիքի մարզի Չկալովկա գյուղի 2-րդ փողոց, փուն 38 հասցեում գրավող, Սեյրան Սպարտակի Ղուկասյանին պատկանող առանձնատան ավտոբնակի դարպասները կողպված չլինելու հանգամանքից, 2020 թվականի հուլիսի 2-ին՝ ժամը 22:00-ից հուլիսի 3-ը՝ ժամը 06:30-ն ընկած ժամանակահատվածում ապօրինի մուտք է գործել ավտոբնակ և գաղտնի հափշտակել 1 հար «РЕСАНТА» րեասակի զոդման սարք, 1 հար «УРАЛ» րեասակի բենզաաղոց, 1 հար թուրքական արտադրության գեներատոր, 1 հար 1800Վ հզորության կրրիչ, 1 հար «ИНТЕРЦКОЛ» րեասակի 1200 հզորության էլեկտրական կրրիչ, 1 հար «TOTAL» րեասակի և 1 հար «KENZO» րեասակի շաղափ-պերֆերատորներ, փարբեր րեասակի և չափերի բանալիներ՝ Սեյրան Սպարտակի Ղուկասյանին պատճառելով խոշոր չափերի՝ ընդհանուր 600.000 ՀՀ դրամի գույքային վնաս:

(...)

Բացի այդ, Գրիգոր Խաչատրուրի Մուրադյանը խարդախությամբ՝ խաբեության եղանակով, ուրիշի գույքի խոշոր չափերով հափշտակություն կատարելու դիրավորությամբ համացանցի www.list.am կայքում ծանոթանալով Տիգրան Նորայրի Հովհաննիսյանի կողմից տեղադրված՝ «SEAT IBIZA 141» մակնիշի 34 QZ 728 հաշվառման համարանիշի ավտոմեքենան օրավարձով տրամադրելու

վերաբերյալ հայտարարությանը, զանգահարել է վերջինիս և ցանկություն հայտնել օրավարձով վարձակալել նշված ավտոմեքենան: Տիգրան Հովհաննիսյանի և Գրիգոր Մուրադյանի միջև ձեռք բերված բանավոր պայմանավորվածության համաձայն՝ 2020 թվականի հունվար ամսին՝ քննությամբ չպարզված օրը, վերջիններս հանդիպել են Երևան քաղաքի Լենինգրադյան փողոցի 16-րդ շենքի բակում, որտեղ Տիգրան Նորայրի Հովհաննիսյանը «SEAT IBIZA 141 մակնիշի 34 QZ 728 հաշվառման համարանիշի ավտոմեքենան հանձնել է Գրիգոր Խաչատրյանի Մուրադյանին՝ յուրաքանչյուր օրվա համար 4000 ՀՀ դրամ վարձավճար վճարելու պայմանով: Գրիգոր Մուրադյանն, իր իրական մրադրության մասին լռելով, համաձայնել է նշված պայմանին և վերցնելով հիշյալ ավտոմեքենան, հեռացել է՝ Տիգրան Նորայրի Հովհաննիսյանին պարճառելով խոշոր չափերի՝ ընդհանուր 1.500.000 ՀՀ դրամի գույքային վնաս:

(...)

Բացի այդ, Գրիգոր Խաչատրյանի Մուրադյանը, խարդախությամբ՝ խաբեության եղանակով, ուրիշի գույքի խոշոր չափերով հափշտակություն կատարելու դիտավորությամբ համացանցի www.list.am կայքում ծանոթանալով Երևան քաղաքի բնակչուհի Արմինե Կառլենի Դավթյանին պարկանող «Iphone XS MAX» մոդելի բջջային հեռախոսը վաճառելու վերաբերյալ հայտարարությանը, 2021 թվականի հունիսի 15-ին Երևան քաղաքում հանդիպել է Արմինե Դավթյանի որդի Յուրիկ Գագիկի Հարությունյանին և իրականում գոյություն չունեցող կեղծ տվյալներ հաղորդելու միջոցով նրան ներկայացել որպես իր տիրապետման և օգտագործման ներքո գրնվող «Մազդա» մակնիշի 35 CP 158 հ/հ ավտոմեքենայի սեփականատեր՝ Նարեկ անվամբ: Նույն օրը՝ ժամը 12:20-ի սահմաններում, Գրիգոր Խաչատրյանի Մուրադյանը նշված հեռախոսի գումարը սրանալու և Յուրիկ Գագիկի Հարությունյանին վճարելու կեղծ պարբերակով Երևան քաղաքի Արովյան 35 հասցեի հարակից հարվածում Յուրիկ Գագիկի Հարությունյանից վերցրել է նշված բջջային հեռախոսը, նրան է տվել հիշյալ ավտոմեքենայի հաշվառման վկայագիրը և խնդրել մինչև իր վերադարձը՝ սպասել ավտոմեքենայի մեջ՝ հեռանալով նշված վայրից, ինչի արդյունքում Արմինե Կառլենի Դավթյանին պարճառվել է խոշոր չափի՝ 700.000 ՀՀ դրամի գույքային վնաս:

(...)

Բացի այդ, Գրիգոր Խաչատրուրի Մուրադյանը, խարդախությամբ՝ խաբեության եղանակով, ուրիշի գույքի խոշոր չափերով հափշտակություն կատարելու դիրավորությամբ համացանցի www.list.am կայքում ծանոթանալով Սյունիքի մարզի Գորիս քաղաքի բնակիչ Նաիրի Նորայրի Ալեքսանյանին պարկանող «ԲՄՎ» մակնիշի 35 MN 012 հաշվառման համարանիշի ավտոմեքենայի վաճառքի վերաբերյալ հայտարարությանը, 2021 թվականի մայիսի 8-ին՝ ժամը 23:00-ի սահմաններում, Վայոց ձորի մարզի Եղեգնաձոր քաղաքի Երևանյան խճուղում հանդիպել է նրան և դիրավորությամբ իրականությունը խեղաթյուրելով՝ վերջինիս ներկայանալով որպես Երևան քաղաքի բնակիչ Վլադիմիր Լյովայի Սարգսյանից օրավարձով վարձակալված 800.000 ՀՀ դրամ արժողությամբ «ՌԵՆՈ» մակնիշի 34 ZU 230 հ/հ ավտոմեքենայի սեփականատեր, առաջարկել է նշված ավտոմեքենայի հետը՝ 100.000 ՀՀ դրամ հավելավճար վճարելու պայմանով փոխանակման եղանակով գնել Նաիրի Նորայրի Ալեքսանյանին պարկանող «ԲՄՎ» մակնիշի 35 MN 012 հաշվառման համարանիշի ավտոմեքենան, ինչին վերջինս համաձայնել է: Գրիգոր Խաչատրուրի Մուրադյանը ավտոմեքենաները հերազայում հաշվառելու կեղծ խոսքմամբ վերցրել է Նաիրի Նորայրի Ալեքսանյանին պարկանող «ԲՄՎ» մակնիշի 35 MN 012 հաշվառման համարանիշի 850.000 ՀՀ դրամ արժողությամբ ավտոմեքենան և 100.000 ՀՀ դրամ գումար, որի դիմաց տվել է Վլադիմիր Լյովայի Սարգսյանից օրավարձով վարձակալված 800.000 ՀՀ դրամ արժողությամբ «ՌԵՆՈ» մակնիշի 34 ZU 230 հ/հ ավտոմեքենան և հետագել, ինչի արդյունքում Նաիրի Նորայրի Ալեքսանյանին պարճատվել է խոշոր չափի՝ 950.000 ՀՀ դրամի գույքային վնաս:

(...)

Բացի այդ, Գրիգոր Խաչատրուրի Մուրադյանը, խարդախությամբ՝ խաբեության եղանակով, ուրիշի գույքի խոշոր չափերով հափշտակություն կատարելու դիրավորությամբ համացանցի www.list.am կայքում՝ ծանոթանալով Վլադիմիր Լյովայի Սարգսյանին պարկանող «ՌԵՆՈ» մակնիշի 34 ZU 230 հ/հ ավտոմեքենան օրավարձով տրամադրելու վերաբերյալ հայտարարությանը, 2021 թվականի ապրիլի 5-7-ն ընկած ժամանակահատվածում զանգահարել է վերջինիս և հանդիպել նրա հետ: Ապա՝ դիրավորությամբ իրականությունը խեղաթյուրելով, այն է՝ 5.000 ՀՀ

դրամ օրավարձով վերցնելու կեղծ պարտրվակով, վերցրել է Վլադիմիր Լյովայի Մարգարյանին պարկանոդ «ՌԵՆՈ» մակնիշի 34 ZU 230 հ/հ ավտոմեքենան և հափշտակելով այն՝ վերջինիս պարճատել է խոշոր չափի՝ 800.000 ՀՀ դրամի գույքային վնաս:

(...)

Բացի այդ, Գրիգոր Խաչատրուրի Մուրադյանը, խարդախությամբ՝ խաբեության եղանակով, ուրիշի գույքի խոշոր չափերով հափշտակություն կատարելու դիրավորությամբ համացանցի www.list.am կայքում ծանոթանալով Գեղարքունիքի մարզի Զովաբեր գյուղի բնակիչ Էդվարդ Աբրահամի Մարգարյանին պարկանոդ «Վազ 2121» մակնիշի 34 QQ 319 հաշվառման համարանիշի ավտոմեքենայի վաճառքի վերաբերյալ հայտարարությանը, 2021 թվականի նոյեմբերի 1-ին՝ ժամը 21:00-ի սահմաններում Հրազդան քաղաքի Հայ Ֆիդայիներ փողոցի օղակաձև խաչմերուկում հանդիպել է նրան և դիրավորությամբ իրականությունը խեղաթյուրելով, այն է՝ ներկայանալով որպես իր կողմից օգրագործվող «Նիսան Լաֆետա» մակնիշի 36 ZA 892 հ/հ ավտոմեքենայի սեփականատեր, առաջարկել է նշված ավտոմեքենաներն առանց հավելավճարի փոխանակման եղանակով վաճառել, ինչին Էդվարդ Աբրահամի Մարգարյանը համաձայնել է: Գրիգոր Խաչատրուրի Մուրադյանը ավտոմեքենաները մոտ օրերս հաշվառելու կեղծ խոսքմամբ ապօրինի փրանսալով Էդուարդ Մարգարյանին սեփականության իրավունքով պարկանոդ՝ «Վազ 2121» մակնիշի 34 QQ 319 հաշվառման համարանիշի ավտոմեքենային՝ հափշտակել է այն՝ վերջինիս պարճատելով խոշոր չափի՝ 1.655.000 ՀՀ դրամի գույքային վնաս:

(...)

Բացի այդ՝ Գրիգոր Խաչատրուրի Մուրադյանը խարդախությամբ՝ խաբեության եղանակով, ուրիշի գույքի խոշոր չափերով հափշտակություն կատարելու դիրավորությամբ համացանցի www.list.am կայքում ծանոթանալով Ալբերտ Ներսեսի Վարլամյանին պարկանոդ «Ֆորդ» մակնիշի, 36 TG 899 հ/հ ավտոմեքենան օրավարձով փրամադրելու վերաբերյալ հայտարարությանը, 2021 թվականի հուլիսի 11-ին Կոտայքի մարզի Չորաղբյուր գյուղի Ամառանոցային 2-րդ զանգված 30 թաղամաս 45 հասցեում հանդիպել է նրա հետ և դիրավորությամբ

իրականությունը խեղաթյուրելով, այն է՝ օրավարձով վերցնելու կեղծ պատրվակով, հաիշտրակել է Ալբերտ Եերսեսի Վարլամյանին պարկանող՝ 3000 ԱՄՆ դոլարին համարժեք 1.485.000 ՀՀ դրամ արժողությամբ «Ֆորդ» մակնիշի 36 TG 899 հ/հ ավտոմեքենան՝ վերջինիս պարճատելով խոշոր չափի՝ 1.485.000 ՀՀ դրամի գույքային վնաս:

(...)

Բացի այդ՝ Գրիգոր Խաչատուրի Մուրադյանը խարդախությամբ՝ վարահոությունը չարաշահելու եղանակով, ուրիշի գույքի խոշոր չափերով հաիշտրակություն [կատարելով] դիտավորությամբ համացանցի www.list.am կայքում ծանոթանալով Համլեր Վարպերյանին պարկանող «Գազել» մակնիշի 36 XR 742 հ/հ ավտոմեքենան օրավարձով տրամադրելու վերաբերյալ հայտարարությանը, 2021 թվականի հուլիսի 19-ին Համլեր Վարպերյանի՝ Երևան քաղաքի Քանաքեռ ՀԷԿ թիվ 301 տան բակում վերջինիս պարկանող «Գազել» մակնիշի, 36 XR 742 հ/հ ավտոմեքենան ամիսը 160.000 դրամով վարձակալելու շուրջ շինծու բանավոր պայմանավորվածություն ձեռք բերելով և հետագայում գրավոր պայմանագիր կնքելու կեղծ խոստում տալու միջոցով Հապեր Վարպերյանին դիտավորյալ մոլորության մեջ գցելով, հաիշտրակել է Համլեր Վարպերյանին պարկանող 1.500.000 դրամ արժողությամբ «Գազել» մակնիշի 36 XR 742 հ/հ ավտոմեքենան՝ վերջինիս պարճատելով խոշոր չափի՝ 1.500.000 ՀՀ դրամի չափով գույքային վնաս:

(...)

Բացի այդ՝ Գրիգոր Խաչատուրի Մուրադյանը խարդախությամբ՝ խաբեության եղանակով, ուրիշի գույքի խոշոր չափերով հաիշտրակություն կատարելով դիտավորությամբ 2021 թվականի նոյեմբերի 4-ին Արագածոտնի մարզի Ապարան քաղաքի «Գնթունիք» սուպերմարկետի մոտ բանավոր պայմանավորվածության հիման վրա՝ 450.000 ՀՀ դրամ հավելավճար վճարելու պայմանով՝ համաձայնության է եկել Արտյոմ Աշոտի Այվազյանի հետ վերջինիս պարկանող 800.000 ՀՀ դրամ արժողությամբ «Վագ 21099» մակնիշի, 35 NQ 229 հաշվառման համարանիշի ավտոմեքենան իր կողմից վարվող «Վագ 2121» մակնիշի, 34 QQ 319 հաշվառման համարանիշի ավտոմեքենայի հետ փոխանակելու պայմանով վաճառելու վերաբերյալ: Ստանալով 450.000 ՀՀ դրամի չափով հավելավճար և «Վագ 21099»

մակնիշի, 35 XQ 229 հաշվառման համարանիշի ավտոմեքենան, Գրիգոր Խաչատրուրի Մուրադյանը հափշտակել է այն՝ Արտյուն Աշուրի Այվազյանին պարճատելով խոշոր չափի՝ 1.250.000 ՀՀ դրամի գույքային վնաս:

(...)

Բացի այդ՝ Գրիգոր Խաչատրուրի Մուրադյանը խարդախությամբ՝ խաբեության եղանակով, ուրիշի գույքի խոշոր չափերով հափշտակություն կատարելու դիրավորությամբ համացանցի www.list.am կայքում ծանոթանալով Բրինա Եղիազարյանին պարկանող «Մերսեդես Բենց» մակնիշի 37 GQ 385 հ/հ ավտոմեքենան օրավարձով տրամադրելու վերաբերյալ հայտարարությանը, 2021 թվականի նոյեմբերի 9-ին Կուրայքի մարզի Քասախ գյուղում պայմանավորվածություն է ձեռք բերել վերջինիս հետ և դիրավորությամբ իրականությունը խեղաթյուրելով, այն է՝ օրավարձով ավտոմեքենան վերցնելու կեղծ պարրվակով, հափշտակել է Բրինա Եղիազարյանին պարկանող «Մերսեդես Բենց» մակնիշի 37 GQ 385 հ/հ ավտոմեքենան և ձմեռային անվադողերի գնման համար իրեն տրված 50.000 ՀՀ դրամ գումարը՝ վերջինիս պարճատելով խոշոր չափի՝ 2.050.000 ՀՀ դրամի գույքային վնաս:

(...)

Բացի այդ՝ Գրիգոր Խաչատրուրի Մուրադյանը խարդախությամբ՝ խաբեության եղանակով, ուրիշի գույքի խոշոր չափերով հափշտակություն կատարելու դիրավորությամբ իրականությունը խեղաթյուրելու միջոցով Տարոն Ջավուկյանին ներկայանալով որպես մեքենայի սեփականատիրոջ ամուսին, Բրինա Եղիազարյանին սեփականության իրավունքով պարկանող «Մերսեդես Բենց» մակնիշի 37 GQ 385 հ/հ ավտոմեքենան 2021 թվականի նոյեմբերի 30-ին՝ ժամը 16:00-ի սահմաններում, Վանաձոր-Սպիտակ ավտոճանապարհին Տարոն Ջավուկյանի «Վազ-21093» մակնիշի 36 RA 184 հ/հ մեքենայի հետ 850.000 ՀՀ դրամի չափով հավելավճար վճարելու պայմանով փոխանակելու եղանակով վաճառել է այն Տարոն Ջավուկյանին: Նույն օրը պայմանավորված գումարից սրանալով 400.000 ՀՀ դրամը և Տարոն Ջավուկյանի «Վազ-21093» մակնիշի 36 RA 184 հ/հ մեքենան հեռացել է՝ պայմանավորվելով մնացած 450.000 դրամ գումարն սրանալ մեքենաների անվանատիրոջ օրը: 4 օր անց մեքենայի համար անհրաժեշտ

վճարումներ կատարելու պայրովակով կեղծ պայրովակով Գրիգոր Խաչատրուրի Մուրադյանը ստացել է ևս 80.000 ՀՀ դրամ գումար՝ խարդախությամբ հափշտակելով այն և Տարոն Զավուկյանի «Վազ-21093» մակնիշի 36 RA 184 հ/հ մեքենան, հետացել է՝ վերջինիս պայրճատելով խոշոր չափի՝ 850.000 ՀՀ դրամի գույքային վնաս: (...)»¹:

6. Երևան քաղաքի առաջին ատյանի ընդհանուր իրավասության քրեական դատարանը 2024 թվականի դեկտեմբերի 20-ի որոշմամբ արձանագրել է հետևյալը. «(...) Սույն դեպքում, մեղադրական եզրակացության բովանդակությունից և տուժողի ցուցմունքից ակնհայտ է, որ ենթադրյալ հակաիրավական վերջին արարքը կատարվել է ՀՀ Լոռու մարզում: Այլ կերպ՝ և ըստ մեղադրական եզրակացության (Վանաձոր-Սպիտակ ավրոճանապարհին Տարոն Զավուկյանի «Վազ-21093» մակնիշի 36 RA 184 հ/հ մեքենայի հետ 850,000 ՀՀ դրամի չափով հավելվածար վճարելու պայմանով փոխանակելու եղանակով վաճառել է այն Տարոն Զավուկյանին), և՛ ըստ տուժողի ցուցմունքի ընդհանուր բովանդակության (...2021թ. դեկտեմբերի 4-ին Tellcell Wallet ծրագրի միջոցով փոխանցել եմ նրա կողմից տրամադրված 093-66-72-82 հեռախոսահամարին: Փոխանցումից հետո, ասել է ինձ, որ ամեն ինչ կարգին է և 2021թ. դեկտեմբերի 8-ին իր կինը՝ Իրինյան և իր հայրը գալու են գրանցումն իրականացնելու Վանաձոր քաղաքում...) վերջին՝ 2021թ նոյեմբերի 30-ի արարքը սկսվել և ավարտվել է ՀՀ Լոռու մարզում:

Հետևաբար, Դատարանը գրնում է, որ ՀՀ քրեական դատավարության օրենսգրքի 261-րդ հոդվածի իրավակարգավորումների համաձայն՝ սույն քրեական գործն ընդդարյա է ՀՀ Լոռու մարզի առաջին ատյանի ընդհանուր իրավասության դատարանին: (...)»²:

7. Լոռու մարզի առաջին ատյանի ընդհանուր իրավասության դատարանը 2025 թվականի հունվարի 13-ի որոշմամբ արձանագրել է հետևյալը. «(...) Հայաստանի Հանրապետության քրեական օրենսգրքի 3-րդ հոդվածի 1-ին մասի 25-րդ կետի համաձայն՝ շարունակվող հանցագործությունը մեկ միասնական դիտարկությամբ, միևնույն օբյեկտի դեմ ուղղված նույնական արարքներով հանցանքի կատարումն է:

¹ Տե՛ս վարույթի նյութեր, հատոր 15, թերթեր 97-28:

² Տե՛ս վարույթի նյութեր, հատոր 21, թերթեր 69-84:

Սույն քրեական վարույթով մեղադրյալ Գրիգոր Խաչատրյանի Մուրադյանին ներկայացված մեղադրանքի վերջին արարքի նկարագրության և տուժողի ցուցմունքի համաձայն՝ այն ենթադրաբար կատարվել է մեկ միասնական դիրավորությամբ նույնական երկու արարքներով: (...) Այսինքն՝ վերջին արարքի կատարմամբ ենթադրաբար հափշտակել է ևս 80.000 ՀՀ դրամ գումար, որից հետո միայն նախաքննական մարմինն ու հսկող դատախազը համարել են, որ ավարտվել է մեղադրյալին մեղսագրվող հիշյալ ենթադրյալ հանցանքի կատարումը, քանի որ ըստ մեղադրանքի բովանդակության՝ Գրիգոր Մուրադյանը, հափշտակելով 80.000 ՀՀ դրամ գումարը և Տարոն Ջավուկյանի «Վազ-21093» մակնիշի 36 RA 184 հ/հ մեքենան, դրանից հետո նոր միայն հեռացել է՝ Տարոն Ջավուկյանին պարճատելով խոշոր չափի՝ 850.000 ՀՀ դրամի գույքային վնաս: Հիշյալ վերջին դրվագի շարունակվող հանցագործություն հանդիսանալու մասին է փաստում նաև նախաքննական մարմնի տված նախնական իրավական գնահատականը՝ այդ դրվագով մեղադրյալին մեղսագրվում է մեկ հանցագործության կատարում: Շարունակվող հանցագործությունը մեկ միասնական բարդ հանցագործության տեսակ է, որը ձևավորվում է նույնական այնպիսի արարքներից, որոնց միջև, որպես կանոն, առկա է հարաբերականորեն ոչ մեծ ժամանակային խզում, և որոնք ուրնձգում են միևնույն անմիջական օբյեկտի դեմ, ընդգրկված են մեկ միասնական դիրավորությամբ և հանդես են գալիս որպես մեկ ամբողջական հանցագործության առանձին օղակ: Շարունակվող հանցագործությունն ավարտված է համարվում հանցավորի դիրավորության մեջ ընդգրկված վերջին արարքը կատարելուց հետո, իսկ սույն պարագայում հանրային քրեական հետապնդման որոշմամբ, մեղադրական եզրակացությամբ պարզ չէ մեղադրյալ Գրիգոր Մուրադյանի կատարած վերջին արարքը՝ խարդախությամբ ենթադրաբար 80.000 ՀՀ դրամ գումարը հափշտակելու վայրը, որը չի կարող նույնանալ տուժողի կողմից գումարը Tellcell Wallet ծրագրի միջոցով փոխանցելու վայրի հետ, այլ պետք է պարզվեր հիշյալ գործողությունը մեղադրյալի կողմից կատարելու վայրը, որը պարզված չլինելու հանգամանքներում մեղադրանքը քննում է այն դատարանը, որի դատական տարածքում է գրնվում մինչդատական վարույթն իրականացրած նախաքննության մարմնի նստավայրը: Սույն պարագայում քրեական վարույթով մինչդատական

վարույթն իրականացրել է ՀՀ քննչական կոմիտեի Երևան քաղաքի քննչական վարչության Աջափնյակ և Դավթաշեն վարչական շրջանների քննչական բաժինը /հասցեն՝ քաղաք Երևան Մազմանյան 5/, հետևաբար դատարանի գնահատմամբ սույն քրեական վարույթը փարսածքային առումով ընդհատյա է Երևան քաղաքի առաջին ատյանի ընդհանուր իրավասության դատարանին, ինչն էլ հիմք է հանդիսանում դատարանի համար իր անհամաձայնությունը հայտնել սույն քրեական վարույթի փարսածքային ընդհատության հետ կապված: (...)»³:

Վճռարեկ դատարանի քրեական պալատի հիմնավորումները և եզրահանգումը.

8. Սույն վարույթով բարձրացված իրավական հարցը հետևյալն է. հիմնավոր է արդյո՞ք Լոռու մարզի առաջին ատյանի ընդհանուր իրավասության դատարանի հետևությունն այն մասին, որ թիվ ԵԴ1/1316/01/23 քրեական վարույթն ընդհատյա է Երևան քաղաքի առաջին ատյանի ընդհանուր իրավասության քրեական դատարանին:

9. ՀՀ Սահմանադրության 63-րդ հոդվածի 1-ին մասի համաձայն՝ «Յուրաքանչյուր ոք ունի անկախ և անսաչառ դատարանի կողմից իր գործի արդարացի, հրապարակային և ողջամիտ ժամկետում քննության իրավունք»:

10. «Մարդու իրավունքների և հիմնարար ազատությունների պաշտպանության մասին» եվրոպական կոնվենցիայի 6-րդ հոդվածի 1-ին մասի համաձայն՝ «Յուրաքանչյուր ոք, (...) նրան ներկայացված ցանկացած քրեական մեղադրանքի առնչությամբ, ունի օրենքի հիման վրա սրեղծված անկախ ու անսաչառ դատարանի կողմից ողջամիտ ժամկետում արդարացի և հրապարակային դատաքննության իրավունք»:

10.1. Մարդու իրավունքների եվրոպական դատարանը, «օրենքի հիման վրա սրեղծված դատարան» հասկացությունը մեկնաբանելիս նշել է. «Այն երկրներում, որտեղ օրենքը կողիֆիկացված է, դատական համակարգի կազմակերպումը չի կարող թողնվել դատական մարմինների հայեցողությանը, սակայն դա չի

³ Տե՛ս վարույթի նյութեր, հատոր 21, թերթեր 90-97:

նշանակում, որ դատարաններն օժտված չեն համապատասխան ազգային օրենսդրությունը մեկնաբանելու որոշակի ազատությամբ»⁴:

Միննույն ժամանակ, դատական մատչելիության իրավունքի համատեքստում Մարդու իրավունքների եվրոպական դատարանը նշել է, որ «Ներպետական դատական արյանները դատավարական կանոնները կիրառելիս պետք է ձեռնպահ մնան դրանց չափազանցված ձևականացումից, որն իր ազդեցությունը կունենա դատավարության արդարացիության վրա»⁵:

11. Վճռաբեկ դատարանը *Գևորգ Հարությունյանի* գործով իրավական դիրքորոշում է ձևավորել այն մասին, որ «(...) Գործերի պատշաճ ընդդատությունը, որպես արդար դատաքննության անհրաժեշտ բաղկացուցիչ, հիմնարար իրավական արժեք է: Դրա հիմնարար բնույթը բխում է արդար դատաքննության ինստիտուցիոնալ փարրից՝ անկախ, անկողմնակալ, իրավասու և օրենքի հիման վրա սրբեղծված դատարանն ապահովելու պետության պոզիտիվ պարտականությունից: Իսկ այդ պարտականությունն իր հերթին, ըստ էության, ամրագրված է Հայաստանի Հանրապետության իրավական համակարգում բարձրագույն իրավաբանական ուժ ունեցող այնպիսի նորմատիվ ակտերում, ինչպիսիք են ՀՀ Սահմանադրությունը (...), Քաղաքացիական և քաղաքական իրավունքների մասին միջազգային դաշնագիրը (14-րդ հոդված) և «Մարդու իրավունքների և հիմնարար ազատությունների պաշտպանության մասին» եվրոպական կոնվենցիան (6-րդ հոդված): (...)

Պատշաճ ընդդատության հիմնարար իրավական նշանակությունն այն է, որ յուրաքանչյուր կոնկրետ քրեական գործը քննող դատարանի որոշման հարակ կանոնների առկայությունը և դրանց կանխարեսելի գործադրումն անհրաժեշտ պայման են կողմնակի դիրքորդի մոտ այնպիսի համոզմունք ձևավորելու համար, որ փվյալ կոնկրետ քրեական գործը քննող դատարանը և դատավորը նախատրամադրվածություն չունեն, և փվյալ գործը վարույթ ընդունելիս սուբյեկտիվիզմն ու կամայակայությունը բացառված են եղել:

⁴ Տե՛ս Մարդու իրավունքների եվրոպական դատարանի՝ *Gorgiladze v. Georgia* գործով 2009 թվականի հոկտեմբերի 20-ի վճիռը, գանգատ թիվ 4313/03, 69-րդ կետ:

⁵ Տե՛ս Մարդու իրավունքների եվրոպական դատարանի՝ *Walchli v. France* գործով 2007 թվականի հուլիսի 26-ի վճիռը, գանգատ թիվ 35787/03, 29-րդ կետ:

Այսպիսով, քրեական գործերի ընդդատության որոշման հստակ, կամայականությունը բացառող կանոնների առկայությունը և գործադրումը պարտադիր նախապայման են արդարադատության մարչելիության պարզաճ երաշխավորման համար (...)»⁶:

12. Վերոգրյալից հետևում է, որ ընդդատության կանոններն այն չափանիշներն են, որոնց հիման վրա որոշվում է, թե տվյալ գործով որ դատարանը պետք է իրականացնի արդարադատություն: Այդ չափանիշների հիմքում ընկած է ոչ թե իրավակիրառների սուբյեկտիվ հայեցողությունը, այլ քրեական վարույթի օրենքով սահմանված օբյեկտիվ հատկանիշները, որոնց առկայությունն էլ թույլ է տալիս արձանագրել տվյալ դատարանի՝ այդպիսին հանդես գալու իրավունքն այդ վարույթով: Միաժամանակ, ընդդատության կանոնները կոչված են անձին գերծ պահելու դատական շրջապատույտից, որը կարող է առաջանալ, եթե դատարանները հրաժարվեն գործը վարույթ ընդունել իրենց ընդդատյա չլինելու պատճառարանությամբ:

Ընդդատության ինստիտուտը հիմնարար նշանակություն ունեցող արժեք է, քանի որ այն անմիջականորեն կապված է անձի՝ օրենքի հիման վրա ստեղծված դատարանի կողմից իր գործի քննության իրավունքի հետ: Քրեական վարույթի մասնակիցների համար պետք է կանխատեսելի լինի, թե իրենց գործով որ դատարանը պետք է իրականացնի արդարադատություն:

13. ՀՀ քրեական դատավարության օրենսգրքի 261-րդ հոդվածի համաձայն՝
«1. Առաջին արյանի ընդհանուր իրավասության դատարանին ընդդատյա են այն վարույթները, որոնք վերաբերում են այդ դատարանի դատական տարածքում ենթադրաբար կատարված հանցանքներին՝ անկախ քննչական ենթակայության կանոններից:

2. Եթե վարույթը վերաբերում է առաջին արյանի ընդհանուր իրավասության տարբեր դատարանների դատական տարածքներում ենթադրաբար կատարված երկու կամ ավելի հանցանքներին, ապա մեղադրանքը քննում է այն դատարանը, որի դատական տարածքում ենթադրաբար կատարվել է վերջին հանցանքը:

⁶ Տե՛ս Վճռաբեկ դատարանի՝ *Քնորգ Հարությունյանի* գործով 2011 թվականի հուլիսի 13-ի թիվ ԵԿԴ/0211/01/10 որոշումը, կետեր 15-16:

3. Եթե մինչդարական վարույթի ընթացքում հնարավոր չի եղել պարզել սույն հոդվածի 1-ին և 2-րդ մասերով նախատեսված՝ ենթադրյալ հանցանքների կատարման վայրը, ապա մեղադրանքը քննում է այն դատարանը, որի դատական փարածքում է գտնվում մինչդարական վարույթն իրականացրած նախաքննության մարմնի նստավայրը (...):»:

Նույն օրենսգրքի 263-րդ հոդվածի համաձայն՝ «1. Նախնական դատալսումների ընթացքում պարզելով, որ տվյալ վարույթն ընդդարյալ չէ իրեն, դատարանն այն որոշմամբ անհապաղ փոխանցում է ըստ ընդդարության:

(...)

4. Վարույթն ըստ փարածքային ընդդարության սրացած առաջին արյանի ընդհանուր իրավասության դատարանը մինչև նախնական դատալսումներ նշանակելը եռօրյա ժամկետում որոշում է կայացնում վարույթը Վճռաբեկ դատարանի քրեական պալատ ուղարկելու մասին, եթե համաձայն չէ վարույթի փարածքային ընդդարությանը:

(...)

7. Սույն հոդվածի 4-րդ մասով նախատեսված դեպքում Վճռաբեկ դատարանի քրեական պալատը վարույթը Վճռաբեկ դատարանում սրանալու պահից հնգօրյա ժամկետում վերջնականապես լուծում է վարույթի փարածքային ընդդարության հարցը: (...):»:

14. Սույն վարույթի նյութերի ուսումնասիրությունից երևում է, որ՝

- Երևան քաղաքի առաջին ատյանի ընդհանուր իրավասության քրեական դատարանը, հիմք ընդունելով մեղադրական եզրակացության բովանդակությունը, համաձայն որի՝ Գ.Մուրադյանը «Մերսեդես Բենց» մակնիշի ավտոմեքենան, հավելավճար վճարելու պայմանով, Տ.Ջավուկյանի մեքենայի հետ փոխանակելու եղանակով վերջինիս է վաճառել Վանաձոր-Սպիտակ ավտոճանապարհին, ինչպես նաև տուժողի ցուցմունքն առ այն, որ «Telcell Wallet» ծրագրի միջոցով գումարը փոխանցել է Գ.Մուրադյանի կողմից տրամադրված հեռախոսահամարին, որոշում է

կայացրել քրեական վարույթն ըստ ընդդատության Լոռու մարզի առաջին ատյանի ընդհանուր իրավասության դատարան փոխանցելու մասին⁷:

- Լոռու մարզի առաջին ատյանի ընդհանուր իրավասության դատարանը, փաստելով, որ Գ.Մուրադյանի նկատմամբ հանրային քրեական հետապնդում հարուցելու մասին որոշման բովանդակությունից պարզ չէ վերջինիս կողմից կատարված ենթադրյալ վերջին արարքի՝ խարդախությամբ ենթադրաբար 80.000 ՀՀ դրամ գումարը հափշտակելու վայրը, որը չի կարող նույնանալ տուժողի կողմից գումարը «Tellcell Wallet» ծրագրի միջոցով փոխանցելու վայրի հետ, գտել է, որ մեղադրանքը պետք է քննի այն դատարանը, որի դատական տարածքում գտնվում է մինչդատական վարույթն իրականացրած նախաքննության մարմնի նստավայրը⁸:

15. Նախորդ կետում վկայակոչված փաստական հանգամանքները գնահատելով սույն որոշման 9-13-րդ կետերում մեջբերված իրավադրույթների և իրավական դիրքորոշումների լույսի ներքո՝ հարկ է արձանագրել, որ Գ.Մուրադյանին ներկայացված մեղադրանքի բովանդակությունից պարզ է դառնում, որ նրան վերագրվող ենթադրյալ վերջին հանցանքն ավարտվել է մեքենայի համար անհրաժեշտ վճարումներ կատարելու կեղծ պատրվակով տուժողից ևս 80.000 ՀՀ դրամ գումար ստանալով, որի վայրը, սակայն, մինչդատական վարույթի ընթացքում չի պարզվել, հետևաբար, սույն վարույթի տարածքային ընդդատությունը որոշելիս, պետք է հիմք ընդունել ՀՀ քրեական դատավարության օրենսգրքի 261-րդ հոդվածի 3-րդ մասի կարգավորումը, համաձայն որի՝ մեղադրանքը պետք է քննի այն դատարանը, որի դատական տարածքում է գտնվում մինչդատական վարույթն իրականացրած նախաքննության մարմնի նստավայրը: Սույն վարույթով մինչդատական վարույթն իրականացվել է ՀՀ քննչական կոմիտեի Երևան քաղաքի քննչական վարչության Աջափնյակ և Դավթաշեն վարչական շրջանների քննչական բաժնում, որի նստավայրը գտնվում է Երևան քաղաքում:

16. Ինչ վերաբերում է Երևան քաղաքի առաջին ատյանի ընդհանուր իրավասության քրեական դատարանի վկայակոչված՝ տուժող Տ.Ջավուկյանի կողմից «Tellcell Wallet» ծրագրի միջոցով գումար փոխանցելու հանգամանքին, ապա

⁷ Տե՛ս սույն որոշման 6-րդ կետը:

⁸ Տե՛ս սույն որոշման 7-րդ կետը:

Վճռաբեկ դատարանի քրեական պալատը կրկնում է, որ հափշտակությունն ավարտված է համարվում հանցավորի կողմից գույքն ապօրինաբար տնօրինելու կամ օգտագործելու իրական հնարավորություն ստանալու պահից:

17. Վերոշարադրյալի հիման վրա, Վճռաբեկ դատարանի քրեական պալատը գտնում է, որ Լոռու մարզի առաջին ատյանի ընդհանուր իրավասության դատարանի հետևությունն այն մասին, որ թիվ ԵԴ1/1316/01/23 քրեական վարույթն ընդդատյա է Երևան քաղաքի առաջին ատյանի ընդհանուր իրավասության քրեական դատարանին, հիմնավոր է:

Ամփոփելով՝ Վճռաբեկ դատարանի քրեական պալատը գտնում է, որ թիվ ԵԴ1/1316/01/23 քրեական վարույթն ընդդատյա է Երևան քաղաքի առաջին ատյանի ընդհանուր իրավասության քրեական դատարանին:

Վերոգրյալի հիման վրա և ղեկավարվելով ՀՀ քրեական դատավարության օրենսգրքի 263-րդ հոդվածի 7-րդ մասով՝ Վճռաբեկ դատարանի քրեական պալատը

Ո Ր Ո Շ Ե Ց

Գրիգոր Խաչատուրի Մուրադյանի վերաբերյալ՝ ՀՀ քրեական օրենսգրքի 44-255-րդ հոդվածի 2-րդ մասի 2-րդ կետով, 17 դրվագ 255-րդ հոդվածի 2-րդ մասի 2-րդ կետով, 254-րդ հոդվածի 1-ին մասով, 255-րդ հոդվածի 1-ին մասով և 254-րդ հոդվածի 2-րդ մասի 2-րդ, 4-րդ կետերով թիվ ԵԴ1/1316/01/23 քրեական վարույթն ընդդատյա է Երևան քաղաքի առաջին ատյանի ընդհանուր իրավասության քրեական դատարանին:

Նախագահող՝ _____ Հ.ԱՍԱՏՐՅԱՆ

Դատավորներ՝ _____ Ս.ԱՎԵՏԻՍՅԱՆ

_____ Հ.ԳՐԻԳՈՐՅԱՆ

_____ Լ.ԹԱԴԵՎՈՍՅԱՆ

_____ Ա.ՊՈՂՈՍՅԱՆ